



## Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Monica Vidua. 4. Maii.

**urn:nbn:de:hbz:466:1-44055**

bombycum fila contemnere. Nimirum non Cæsar sed Numinis oculis se compsit, cui in sponsa cilicium præ purpurâ placet. Sed neque rivalem diu sustinuit Christus; hunc enim antelatum sibi indignatus Cæsar filius, versusque ex amore in furorem, gladio pectus transfixit. Diocletianus tamen filium ulturus non fuerat, si Pelagia amorem à Christo ad se transtulisset. Abhorrentem ab ea conditione novus Phalaris bovi æreo carenti inclusit, in quo illa, amore verius, quam igne liquefacta est. Exuvias corporis in Linatum montem projectas quatuor leones tutati sunt; Clino in unam composuit, & monti congregationis nomen indidit. Vos Sodales, qui tituli jure reliquiarum hæredes estis, quod in Pelagiâ pulcherrimum fuit, innocentiae vestem, primo loco votoque poscite.  
*Ex Metaphrast.*

*Silixuria flamma in ossibus astuat, protinus illam memoria aeterni ignis extinguat: si callidus insidiator lubricam carnis speciem objicit, illico mens ad mortuum sepulchra oculum dirigat, & quid illic suave tactu, quid delectabile visu reperiatur, solerter attendat.* S.Pet. Dam. op. 7. cap. 23.

### S. MONICA VIDUA. 4.Maii.

**H**Æc est illa MONICA, quæ Augustinum bis genuit, orbi primùm, deinde cælo, secundo quam primo partu felicior, dum filio pietatem, alteram hominis animam, quam cum lacte instillare non potuit, plorando infudit. Hæresi Manichea mortalissimâ humani generis peste perierat Augustinus; mater sic mortuo affundere lacrimas non ante destitit, quam Episcopi oraculo recreata est spoudentis: *Fieri non posse, ut filius istarum lacrimarum*

*erima.*

criminarum periret. Vim nimis faciebat Deo (uti Augustinus postea jam renatus loquebatur) cor contritum & humiliatum vidua casta ac sobria, petentisq[ue] ab eo non aurum & argentum, sed salutem animæ filii sui. Cujus illud primum indicium fuit, quod Ambrosio acquiesceret, & destillante ab illius viri ore ambrosiam pasceretur, quem proinde non immiterit ut Angelum Dei Monica diligebat; quando vere idem est boni præceptoris, quod Angeli officium, et si non eadem utrique dignatio impenditur. Compos tandem facta voti sui, & Augustino in tantas succrescente spes, negavit longiore sibi vitâ opus esse, desiderium cæli ad Ostia Tiberina filio professa, cum diceret: *Fili quantum ad me attinet, nullâ re jam delector in hâc vitâ: immorari cupiebam, ut te Catholicum viderem, &c.* Neque multò post terris excessit, hoc unum precata à filiis, ut ad Domini altare sui meminissent. Nos illam suspiriis repetimus normam & exemplar matrum omnium; nam hodie pleraque non per euntibus filiis, sed ad Deum abeuntibus lacrimantur, eosque diligendo occidunt. *Ex operib. S. August.*

*Primus gradus pietatis est iste, ut quos auctores tibi voluit esse Deus, honores obsequiis, abstineas contumelias: sed nec vultu ladenda est pietas parentum; mereatur cætitatis subire supplicium, qui parentum vultus torvo vultu despicerit.* S. Hieronym.

## CONVERSIO S. AUGUSTINI. 5. Maii.

**H**oc die Monicæ lacrimæ AVGVSTINVM orbis secundum pepererunt; nam hoc Manichæorum erroribus se demum expedivit. Ad id plurimum, ut dixeramus, momenti mater attulit, quæ